



OONKONDO DOMBINZI

Evangelii ljeso lja Kristus nejumuko lje tali tu popica isheue.

1. „Sha longua sha pua.“ (Joh. 19:30)

U di shi, oohapu da tumbulua ku Jesus komushigakano. Ihe oohapu doka otadi ti ngiini?

Jesus sho a kala komushigakano, oje ina silua ohenda ku Kalunga. Ave. Omalua-di gondjahi ja Kalunga ge mu denge unene. Oondjo da Adam no da Eva, no da Kain, oondjo daafarisaji, oondjo daadipagi jaahokololambinzi, oondjo daajuda nodaa-suomi no daauambo no daakiina, oondjo daapagani noondjo daakriste, oondjo daantu ja kala naale noondjo daantu jongashingeji nomajonagulo ga mboka taje ja komeho, agehegehe na adihe da tulua kombanda ja Jesus, komapepe ge, nenge tu tje da ningi ong'eliko lje. Ou shi tuu kujalula uule uoondjo do? Ihe Jesus a humbata egeelo nomageelo goondjo doka adihe. Onke okua makele omulilo guoheli peha ljetu, o-po uujuuki ua Kalunga u guanicue. Uujuuki tau ti: ejono kehe nali futue. Onke Jesus e ga futa nokua kakama kochi jondjahi ja Kalunga nokua ti: „Eeli, Eeli, lama sabaktani?“ Otadi ti: „Kalunga kandje, Kalunga kandje, oshike ua ekelehi ndje?“ (Mark. 15:34) Ihe osha ningua, otse tu uape okuheda ku Kalunga. Oondjo detu sho da geelua mu Jesus, otse aalunde tatu vulu okutaambua ku Kalunga, ngele tatu heda kuje mu Jesus.

Oondjo doje uo da guedela ko sha muuehame ua Jesus. Onke u nompito joku-ja kuje, oshoka omulunde kehe ta popicua kuje: „Kehe tuu ngoka te ja kungame itandi mu ekelehi.“ (Joh. 6:37). Osho nangame. Kalunga na Jesus na hambelelue! Onke oohapu di: „Sha longua sha pua“ odo ekandanga ljonzigona ja Kalunga, nodo tadi ti: „Aalunde naa konge ehupico, oshoka osheelo shegulu she egululua. Ajihe ja guanicua.“

Ihe otatu pula: Tatu piti mo ngiini mosheelo shoka? Tatu uuka peni?

2. „Oje okua jumuka kuusi.“ (Luk. 24:6)

Evangelii ljonpassa tali tu uilike. Jesus ngoka a si, okua jumuka uo. Oje ngoka e nomuenjo, oje ngoka a galuka mu pentekoste mOmbepo kombanda jevi, ota ti:

„Ongame oshijeelo.“ Joh. 14:9.

„Kaku na ngoka te ja ku Tate okuninga ta pitile mu ngame.“ Joh. 14:6.

„Ongoka ita ji moshigunda shoonzi ta pitile mosheelo, ihe ota guajele mo palue, oje omufuci nomujugi.“ Joh. 10:1.

„Ileni kungame amuhe.“ Mat. 11:28.

Otse tua pumbua eso lja Jesus, opo osheelo shegulu shi tu egululilue. Ihe unene tatu pumbua Jesus ngoka a jumuka kuusi, opo tu uape okupita mosheelo shoka. Eso lja Jesus oljo ekulilo. Ehupico ljomuntu oljo ndika, ngele omuntu ta tsakaneka Jesus ngoka te mu pitica mosheelo shegulu.

Aantu jamue ja fa taa ti: „Jesus sho kue tu kulile pomushigakano, otse tua ningi aana ja Kalunga. Otu na Tate omunamutimahenda.“ Ihe elongo ndika hali pukica aantu. Palongo ndika tashi vuu-ka, Jesus a kale natango mombila, ngele tua ningi aana ja Kalunga meso lje. Epukico etijaali oljo ndika: Kalunga a ningi omunamutimahenda.

Ihe Kalunga ina ninga omunamutimahenda molu eso lja Jesus, ihe ngashika uujapuki ua Kalunga ua denge Jesus, opo oondjo di geelue muje, osho uujapuki hau taamba omulunde mu Jesus amuke. Oshoka ajehe taa ningua aanamuenjo mu Kristus (1Kor. 15:22). Kalunga muene ta ti: „Ongame, Kalunga, ihandi lunduluka.“ Mal. 3:6. Ohoo- le ja Kalunga nuunamutimahenda ue ua holoka, oje sho kua tumine Epona lje. Oje ina ninga omunamutimahenda konima jeso lja Kristus, aue.

Tatu pula: „Jesus e li peni? Otatu mu tsakaneka ngiini?“

Oshifo shika hashi leshiuu kaakriste. Otse tua uuvu oohapu d- vangeli oluindji. Oohapu da vala mutse eitaalo ndika, nokutja Kalunga „oko e li, na mboka taje mu kongo ote ja pe ondjambi“ (Heb. 11: 6). Otse tua longua koohapu devangeli nokutja tatu vulu okutsa oongolo shaa mpoka tu li po, opo tu kale koshipala sha Jesus. Isheue Jesus ha taamba aalunde ajeke. Tatu pulua shimue ashike, nokutja tu kale koshipala she noshili, nkene tu li noondjo detu.

Ombepo ngele okue tu tompele oondjo, otse tu li peha euana-ua koompadi da Jesus, oshoka peha ndjoka omulunde hu uuvu evangeli lja Jesus: „Oondjo doje da dimua po!“

Ojo mboka je di uuvu, „ojo mboka ja jogo oonguo dauo no je di jelica ombinzi jOnzigona“ (Ehol. 7:14).

Ojo mboka ja cikama koshipala sha Jesus ngoka a jumuka kuusi, ngashika omusaseri omukuluntu Josua okua cikama komeho gomujengeli gua Kalunga. No ngashika Josua okua hulua omizalo da njata, osho aalunde mbo ja hulua tango uujuuki uomuntu, opo ja peua oonguo da jelicia ombinzi ja Jesus, oonguo doshituci shohango jOnzigona.

Omuntu ngoka e shi ningilua, oje tu uuvu meni lje nkene Ombepo ja Kalunga ta hokolola nombepo je nokutja oje omuna gua Kalunga. Oje okua jumudua pamue na Kristus. Oje ta hambelele Jesus nenjanju enene.

Tu galikaneni: „Omuua, pe ndje esilohenda ljokugandja ehala ljangje meke ljoje, opo ndi dimbulule oonkondo dejumuko ljoje.“

A. K.

OMUPOSI A NINGI OMUNAMEHO.

Mu Januari jonumvo ku Suomi kua endele ko omulumentu guomu Sweden, edina lje John Ahlstrom. Oje okui ihokolola, nkene a kala omuposi na nkene a ningi omunameho. Okua lesa oohapu di li mEpsalmi 30:11-13:

„Uuva ndje, Omua, ngu se ndje ohenda! Omua, kala omukua- ci guandje. Elilagano ljangje ue li shitukica eligolo, ua hula ndje onguo joluhodi no ua zaleke ndje enjanju. Omuenjo guandje opo gu ku imbile ehambelelo, no guaa muene. Omua Kalunga kandje, onda hala oku ku hambelela aluhe.“

Oje okua hokolola, nkene oohapu dika da tsa muje.

Omumvo 1914 okua adika koshiponga, a tsua meho lje ljokoluljo. Oshilalo osha polo, ihe oondohotora ajehe otaa ti, oljo itali mono ue sha, oshoka oshipa shokutala ashihe osha jonuka po. Qsho lja kala uo eposi uule uomimvo 36. Pecimbo tuu ndjoka, oje ini itaala Jesus, onke oshiponga shino she mu lulumike omuenjo aguhe.

Omumvo 1919 omeho gomeni oga tonata. Okui igandja miikaha jOmukulili, nomuenjo gua mono ombili jomegulu, ihe omalugodi gokombanda jevi inaga pua po.

Ngashi omumvo 1925 omukulukadi gue okua alukua, iimaliva je ja pua po, nookuume oja kana. Oja kala omasiku gane kaje niikulja no kaje niikuni. Esiku etitano ongula okua adele mo mostora jikuni ondumba onene jikuni no jomakala. Aashinda oja ti, oje je etelua uusiku komuntu ina hala a tsejike kedina. Iikulja oja holoka ko uo. Jesus oku shi kuinekelua.

Eho lje ljokolulmo olja kala uo, itali mono naua, okashona kouala. Omumvo 1930 neho ndjoka uo olja jonuka po, oonkandja dombinzi oda tokokele ko, noshipa hashi siikile eho osha lemana, inashi jeluka ue nando. Okua ningi omuposielela 1932.

Okua kuatua koluhodielela, kee na shoka ta vulu okuninga ue, okuhehela akuke. Ohugunina omukulukadi gue okua si, noje a cigala po, kee na omukuaci. Omuenjo gue ehama, ihe Kalunga ine mu ekelahi.

Esiku limue omusita okui icana aakuanegongalo je je okuopa- leka ongerki. Naje uo okua li a hala okuja ko, ihe aantu je mu ke-

le'e ko. Omuposi ota vulu o'kulonga shike? Okua ji kegumbo a kanica omukumo aguhe, a lili ouala. Oku uvite kee na nando ue oshilonga muujuni. Okua tameke okugalikana: Kalunga ngoje ua tonatica nale aaposi, na ngoje iho lunduluka. Onda hala okujakula sha uo, ihe itandi shi vulu. Opo mpoka oku uvu eui tali ti: „Muena! Onkugo joje onde ji uvu no nale Inekela omauvaneko, itaala. Omauvaneko gandje nde ga koleke nombinzi jandje. Ongame Omua Kalunga koje.“

Okua dimbulula uo oohapu tadi ti: „Ano nge tue shi tseja, oje te tu uuvu, shaa shoka tatu indile, nena otu shi shi uo, tu na ajihe mbika, ue ji mu indile.“ 1 Joh. 5:15.

Eitaalo lje olja tameke okukoka, nando inapu holoka sha. Okua li e shi shi a galulilua omeho ge. No megongalo okua lombuele ojaakuauo. „Inamu kuga, hambeleleni, mu inekela omauvaneko!“ Gumue e mu lombuele, ta ti: „Oto iningi oshijolica, sho to hambelele, nando inapu ningua sha.“ Oje okue mu lombuele: „Oto shi tseja peni, inapa ningua sha? Eitaalo olja tameke okukoka.“

Moshilongo mue ja omuuvici e nomagano gokualuda aavu noku ja galikanena. Omusita ote mu lombuele: Otue ku ningile ongalo u falelue kiigongi jomuuvici ngo. Oje okua ti: Onda pandula sho mua li mua hala okukuaca ndje, ihe eitaalo ljangje ngele inali guana muka, oljo itali guana na mpeja. Jesus oje tuu gumue apehe. Iimaliva mue ji gongela ji peni oshilonga shetumo.

Eti 11 lja Februari 1951 kua gongala oshigongi shegalikano. Oje okua lombuele omuana: „Itamu pumbua okuiila ndje, ote galuka ongame auike, oshoka Jesus ota ada ndje nena.“

Pua gongala aantu jatano, naje omutihamano. Oje okua lombuele oojakuauo: „Nena tatu galikana tu nomukumo neifupipiko. Ondi inekela nena tuu te galulilua omeho.“

Oja lesa oohapu da Kalunga, oji imbi, noja galikana sigo ojaakuauo oja tameke okuvulua noja hala okuza ko. Oje a tameke okulila nokua ti: „Ondi shi shi Jesus oku li mokati ketu. Tu tsikileni medina lja Jesus.“ Okua galikana: „Ondi inekela ongoje Jesus ou li muka. Iikaha joje ji niilalo, oje oja tentekua kutse. Ehalo ljoje nali guanice. Ondi shi shi nangoje ua hala, oonkondo doje dokualuda di je molutu luandje.“

Opo mpoka oje oku uvite oshikaha nkene she mu gumu momeho. Noonkondo de ja molutu lue. Okua guile pevi, noku uvite momeho ge tamu longua sha. Miilalo ja Jesus mua zile oonkondo. Oojaakuauo oju uvite uujapuki ua Kalunga ua heda ko. Oontumba domoshipala she tadi injenge. Ohugunina shokua cikama, okua mono ko olampa. Kegumbo a ji ko, a mono ondjila, ina pumbua omucindikili, nenjanju ljomomuenjo gue kali shi kujelekua.

Momuedi Maart okua ji koondohtora, oje oja kumua ouala, no ja ti: Oshikumica shino kashi shi kufatululua nando komuntu. Eho lje ljokolulmo otali mono nauelela, no ljokoluljo uo tali mono kashona. Oshaadi sha kana uo meho ljokoluljo, nokumona taku indijipala esiku kehe.

Itaala Kalunga, oje ota longo iilongankondo. Ino limbililua, oshoko ngoka e nomalimbililo, oje kua fekucikuci tali falafalua no tali telaganicua kombepo. Omuntu a tja ngaaka kaa diladile, oje ta peua sha kOmua. Jak. 1:6-7.

AAPAGANI.

Omujapostoli ota ti „aapagani kaje na Kalunga.“ Aalumentu naakiintu otaa hepekua muuehame uokombanda jevi jo kaje na Kalunga. Ojo kaje na Etestamenti. Ojo otaa valua no taa si kaje shi kugalikana Tate guashili. Ojo kaje nomahambelelondjimbo. Magumbo ga o kage nombili nosho uo oomuenjo dauo. Ojo kaje na osondaha no kaje neviluluko ljajo. Aagundjuka jauo kaje na etegelelo. Ojo taji injateke omalutu gauo noomuenjo dauo manga aanona. Ojo taji injateke ku jele. Oojina kaje noondunge no kaje nouino jokutekula no jokuputuda aanona. Kuuvu uauo oje kaje nomuhungi. Oluhepo lua geja koombinga adihe. Nomoka je li mo kaje nomukuaci. Miiponga jauo kaje na ngoka te ja sile olukeno. Kuuehame no moocina kaje na ngoka te ja talaleke. Nokuekeluahi kaje na ngoka te ja sile olukeno. Nomokusa kaje netegelelo.

OSHIPANGO SHETUMO.

Ps. 96: 2-3.

- 1) Evangeli oli nokuuvicua puua neviluluko
- 2) oli nokuuvicilua omavi agehe.

Etaandelico ljevangeli inali ecelua kehalo ljetu, aue, ngele ino li uvica, oua jono. To diladila tuu, iimaliva jaantu nge ja pungulua pu ngoje, ashihe shimue nando ino ji galulila koojene, nando oje naa kale taa sondjala!

Oto ti, oshilonga shetumo kashi shi kulungua keciminiko. Eeno osho oshili. Ihe otashi vulika omuenjo guoje gu shituke, oshipango shetumo u tameke oku shi hoola, na nena eciminiko kali po. Ihe nando omuenjo guoje kagu nohoole, oshipango opo shi li tuu, oshoka oshipango inashi gandjelua kuamboka ajekje je shi hoolo, ihe osha gandjelua omuntu kehe.

ETONATO.

O indji tatu galikana Omuaa a tonatice omeho ge'u. Ihe etonate oi noombngi mbali. Moramata tatu lesa Adam na Eva sho ja to ata oja ja manua, e tia holama Kalunga, oshoka ja tala okuhohola koshipala sha Kalunga. Ano etonate ljaou olje ja kuca pu Kalunga kauo. Omujaposto i Paulus okua tona a, ihe etonate lje olje mu ukica k'Omuaa, onke ta ti: „Olje ta mangukula ndje molutu nduka lueso." Nongashingeji oku nojendji ja penducua moomposi d'uo, no ja tonatele uuinaji uauo. Unene aantu ja tja ngeji otatu ja ada maamuameme mboka je li mehalakano k'Uushimba. Jamue jomajo, tango oja kala meholamo ngashika Adam nomukiintu gue ja ningi, ihe sho ja dimbulula nokutja: Kalunga iha holama, onke je li po ngashi omujapostoli Paulus, no ja hala omumangukuli guashili. Eeno, ongoje gumue guaa mbaka ja tonatele uuinaji uauo, endelega oshoka: „Omuna guomuntu okue ja okukonga nokuhupica shono sha kana" Lukas 19: 10. Na isheue, omupsalmi ota ti: „Omuenjo gua njajika, oguo ondjambo ja hokiua ku Kalunga, omutima gua tatu-lua, gua njanjagulua, ito gu ekelehi Kalunga." Ps. 51: 19.

Ope na uo jamue ja tonata, ihe kaje luete sha. Otatu dimbulucua nge tatu lesa Ps. 31: 10, omu na etumbulo: „Omeho gandje ga tsika oshitananana." Omuntu a tsika oshitananana iha monoko, onke egalikano ndika: Omuaa, tonatice omeho gandje, inatu li eca po, tu mone etonate tali tu ukica k'Omuaa.

EVANGELI KU KAOKO.

Nga-hi tua hokolola no nale aakuluntu ja li ja hala okutuma feilani Ebba von Pfaler guok'Ombarantu ku Kaoko a kale ta kuca aantu jamo kolutu nokomueno. Ombapila joku a ko ine ji mona mbala ngashi kua tegelelua, ihe ngashingeji ezimino olje ja. Nando omvula ja loko isheue nondjila oja nik' enono, ojo inaji njengana, ecimbo lja Kalunga sho lje ja. Esiku 29 lja Februari feilani Ebba okua falelua ko ku Ohopoho ku Kaoko. Oshilonga sha tameke ngeji.

Tu kaleni ano atuheni megalikano okugalikanena oshilonga shino oshipe.

OSHILO KEHE OSHI NIILONGA JASHO.

1 Kor. 12: 14-18.

Ajehe mboka ja shashelua medina l'Omuaa ojo iiljo jegongalo lje.

Egongalo l'jok'Oshigambo tali pandula iiljo jaljo mbjoka ja kala ku Oranjemond, oshoka aamati mbejaka ja kambadala okuholola iilonga jauo: Oja ningi ongalo ja kuace egongalo l'jauo, nokua zi £2 15s. Eno, pamue ja dimbulukua oohapu doka tadi ti: „Eitaalo l'jaa niilonga olja sa." Jak. 2:14-26. Nani oshiljo kehe oshi nokukala shi niilonga. Oonakukala meendo kape na ngoka ta tegelele iilonga jauo, ihe aanamuenjo, ojo tuu taa tegelelua, ngashi iiljo haji ningi. Ihe oshiljo itashi vulu okulonga, ngele itashi longicua komuene guasho, no itashi vulu okuitanga, oshoka hasho shene tashi longo, aue, otashi longicua koonkondo dolutu, onke naamati mbaka otua hala ja longicue k'Omueene.

Omukuetu, nguka u li pegumbo l'jaandjeni, ngiika to ti: Eeno, k'Uushimba oku niimaliva. Kalunga ine ku pa nani oshindji shi vule niimaliva jaamati? Oondumetana ngapi di li mokuti? likombo niilja oji cike peni? Nenge pamue ngoje ku shi oshiljo molutu l'Omuaa? Ongoje oshiljo to tegelelua uo, u longe pehala l'joje. Ope nojendji taa simaneke nenge taji itangele uupeni, no taa ti: Omuselekadi okua pandulua k'Omuaa sho a gandja okapeni. Oua dimbulukua tuu, nokutja oko akeke kua li e ka na? Ngoje oua peua oshindji, onke to tegelelua u longe, ngele cngoje oshiljo molutu lue, oshoka oshiljo kehe oshi niilonga jasho.

David Shihepo,

ENGE

Enge olo ola dja moutale. Ovakuanjama otava i koshimanja. Ndelene otava longo omamanja maua unene tamu di omakuva nomatemo, noivela ikuao.

Emanja fimbo inali tulua mediko leleva, olo inali joloka manga, ndelene shama tu la tulua mediko leleva otapa holoka oinima ivali outale nomange. Outale oshivela sha dja menge, enge nenge mua di outale, olo kali na vali oshilonga, ola ninga oshinima shongaho. Omuhambuli nande na kale omunaendunge, ita dulu vali okushuna enge outale.

Enge ohatu li jeleke nashike? Enge ohatu li jeleke nomunu. Omunu fimbo a kala meshito lotete, oje a fa outale, ndelene satana a fa omuhambuli ou ta kufa outale menge. Nokutia ouua omunu ua kufua mo ku satana, opo ne omunu a kala ngashi enge li li, ha mungaho. Enge la fa la hala okulitula outale ualo, ndelene enge la njengua okuliuapeka, li shune mefimano lalo lotete. Osbo o-

munu esi a njonauka koulunde, a fa a hala okulishuna meshito laje lotete, ndelene a njengua. Okunjengua kuaje otaku holoka, eshi te lixongele oikalunga, ta diladila oikalunga tai mu shuna meshito laje. Onke ne omunu a ninga oshinima shongaho, a fa enge la dja outale. Osno omunu a njengelelua okulishuna mefimano laje leshito.

Opo ne ovaitaveli va luka Kalunga omunamutimahenda. Oshike a ifanua ngaho? Eshi a tuma Jesus Kristus a shuna omunu mefimano laje lotete. Jesus oje ashike te shi dulu okushuna omunu mefimano, ile tu tje moukalunga, omo tua shitulua mo, omo tua kufua Satana. Kalunga na hambelelua eshi e tu kufa mounge uetu.

Ohatu shi mono peni? Tala omukanda ua Paulus e u njolela ovaefesi 2: 1-22. Opo ne opo eshi tua ninga va Jesus opaitavelo, ofje ohatu dimbulukua, ame onda li enge longaho. Ove oua tala tu naua enge, opo u dimbulukue okukala kuoje nokutia, ove enge la li la tondua nai.

Enge la uapekua k'Omukulili ualo. Kristus e ja mounjuni a hupife ovanamatimba ovo ndi va dule 1 Tim. 1: 12-16. Omunu kese a ifanua moulunde uaje, ndelene nenge a tambula ondjovo ei jalushe, ojo otai mu lundulula mokukala kuaje kukulu. Ndelene nenge a lunduluka mo, oje ta dini oinima jaje jomoukulu uaje, nande okua li e i hole, ile e i tala ojo efimano laje. Omepo l'japuki ei i li muje otai mu minikile notai mu talifa oikulu noipe, ndelene je ta tondo oikulu, ndele ta hokua, ile ta kanjatele kuaji ipe. Ndelene nande ongaho, oje ita dimbua nande nokutia Jesus okue mu hanga momange ounjuni uoulunde. Tala omujapostoli Paulus eshi ta njolele ovafilipi, 3: 7-11.

Omujapostoli oje muene te litongo, fimbo Paulus ina minikilua, ile ina dalululua moujuda uaje, oje e litala muene omuanifi uoujuki uoveta javo nokue litala oje omudiinini ueenkedi davo adishe. Ndelene eshi Omueene e mu hanga nefilonkenda laje linene, opo ne opo Paulus aishe okue i tala ojo oimbodi jongaho, a tala ne Kristus Jesus oje aeke. Aishe okue i dina eshi a mona Omukulili. Omunu, fimbo ina mona Omukulili, ita dulu okudina oinima jaje jomunu mukulu, neendunge daje, noujuki uaje muene. Oje ita dimbulukua nande o unge uaje, nokutia ame onda li enge onda filua onkenda. Paulus ta udifa eshi e shi mona mu Jesus te shi njolele jo ovafilipi, 3: 12 - 21. Elalakano lomukriste olo okulidimbua ove muene nokutala ei jokombada ha eji jopedu, ndelene ei jomekulilo tue i peua monkenda j'Omueene, ojo ne tua hala oku j'udifila ovahupifua nokuhololela ava natango ve li mepangelo lomulaulu. Omudifi uonkenda Paulus ta jandje oshihopaelelua ku ava va ningua ovajakuli vevangeli, kovaefesi 3: 7-11. Paulus oje ine lidimbua nokutja: Oje kua li enge longaho, e duliike ku avese, okua filua onkenda. Onke ne a tuala vahapu mehupifo, eshi je muene ta tumbula Kristus eshi e mu ningila morushijakano. Omo a tala oukalunga ua Jesus, nokua tala pamue noulunde uaje momushijakano. Omo a mona ehupipiko linene, eshi Omepo l'japuki je mu jelifila efilonkenda linene la Kalunga momushijakano 1 Kor. 1:18-31. U uete hano omange omahupifua a tulululua outalemuenujo omokutambula Omukulili moungone. Nani eshi sha njika oungone, ndelene tashi tambula Jesus Kristus, osho otashi kala oshi na eenkono meke l'Omueene uasho. 2 Kor. 2: 14-15.

Vilho Kaulinge.

EEHELI MBALI KOMBANDA JEDU.

Ovauambo hava ende okukonga oinima jokolutu, nokulibepeka komalutu nokomuenjo. Ondova jokolutu nojokomuenjo ojei: oipala, ojo taje eta okandongo nehutuko lokolutu; oikunua, ojo taje eta oudu uomukolo uepunga, oikulua, nomadipaafano moluoikunua. Ovantu tave lipakele omi joudijo koikulja molu oikunua. Omiti tave di hekelua molu oulai uovauambo. Osheshi ombongolo okoUnion okua hala ashike oimaliua.

Taleni ovamati nje ovauambo ava hamu i koilonga koUnion, nenge mua kuatelua ko kokandongo, oko mu ka fija kuinja. Kokutja, inda koshihakulilo, nde to lihakilifa, to vendua. Nenge ua veluka, ove to di ko ne, to ja k'Ouambo. Ndele ne nge ue ja m'Ouambo, kala eebani 6, ino kumafana novantu. Opo u he va pe ombuto joudu uoje uokandongo. Lungama u he ka jandje nokovamuanjoko. Ehol. 3: 1-3. 2 Tim. 1: 13-14.

Ovaholike ovauambo, taleni ovauambo vakuetu ava tava di koUnion, otava eta eembuto dii moshilongo, otadi njono po ovantu. Ou ta eta ombuto ii moshilongo, ota handukilua ku Kalunga. Osheshi oje ta jelekua na satana. Satana oje muene uoudu uokandongo Luk. 21: 22. Joh. 8: 44-47. Ovakinjantu nje ovamuameme, lungameni okandongo ke li movamati ava tava di koUnion. Muvo omu na eeheli mbali: oheli jomundilo ualushu, noheli ontivali ojo okandongo kombanda jedu. Omukriste nenge a vela okandongo, nde ino lihakilifa, ito hambolua vali meongalo, noludalo ito li mono vali. Ovauambo vakuetu, tu tileni oudu uokandongo shili. Osheshi oo ua hulifa po nokutja, ua ninipika oshiuana shovauambo pomafimbo ounjuni ueehamba.

Hambeleleni Kalunga onje oshiuana shinini shauambo, Kalunga eshi e tu tumina eendokotola di tu hupife mo moheli jokandongo. Hambeleleni Kalunga onje oshiuana shauambo, Kalunga eshi e tu tumina eendjovo dehupifo devangeli, e tu hupife mo moheli jomundilo ualushu onohonde ja Jesus Kristus Omukulili uetu.

Jesus Kristus mu tambuleni osheshi oje aeke te tu hupifa!
Paulus Nailenge.

ILA KUUME OMUGUNDJUKA KU JESUS!

Kuume, ongoje ua ti oua halelela okuja ku Jesus, ihe ku shi nkene u na okuja ko. Tala, Omuaa Jesus ta ti: „Ongoka ta kala moohapu dandje, e ta diginine iipango jandje, oje omulongua guandje shili.” Okua ti isheue: „Ongame nda cikama posheelo e tandi konkola.” Mu egululila mo ano! Oje ku uuda ohoole nohenda nontalanteni. Oje a tegelela una ngoje to mu taamba no u igandje ngashi u li. Tala, kuume, ino tegelela, ngoje ino limbililua, ihe inda u ukilila ku Jesus ngashi u li. Okue ku uvanekele oku ku taamba, oshoka ngoje ku na ue esiku no ijopaleke u uape oku mu igandjela, opo e ku taambe ando, aue. Pula ano nomuenjo guashili kOmuaa Jesus, oje ote ku taamba naana ngashi u li. Shika ondi shi shi shili, ongame nguka nde ku fa nenge nda li ndi ku vule nokuli muuinaji, Jesus a taamba ndje kohenda je, a jogo ndje nda ningi gue. Na ngoje uo, kuume mukuetu, ila keicano ljhenda, manga inali muena. Jesus muene ote ku icana u ze muule u'uulunde, nomiipue juugundjuka uoje, je ku kunja olupe, nondjelo jokutalua, je ku jugu esimano, nuujogoki, noonkondo duugundjuka uoje, ua lolokicua naji koondjo doje, ngashi ngame uo, Omuaa oti icana natango nohenda, panue oluahugunina ta ti: Ileni ku ngame amuhe. Mat. 11:28-30. Oje ota ti isheue: „Ongoka te ja ku ngame itandi mu tida po.” Joh. 9:37. Mohoole je onene Jesus e tu sile tu hupe. Jesus a geelelua oondjo detu. Ila, kuume, ngashi u li. Iikuaanelago ajihe Omuaa guetu e ji humbata keso lje momushigakano, a futu oongunga adihe. Onke kuume, ino muena, to hunuca ehupico! Kaku na sha shoka tse tu shi ninge, aue, ashike okuigandja miikaha je, noku mu inekela, kutja oje e tu ningile ashike. Oje ote ku taamba una ngoje to mu igandjele. Ino tila okuja ku Jesus guetu, ila, ila mbala kuume, omugundjuka omukuetu nomukuluntu uo. Gandja oondjo doje nomapuko goje, dongashingeji nodonale, doka u di shi naadoka ku di shi, adihe. Mu taamba moohapu de doka e ku icana nado. Mu taamba meitaalo ha komauvito.

Sho tue mu taamba no tua ningi je, tua ningi ihe ana ja Kalunga. Ku vulu okukala omuana ngele u li monjalo. Sho tui itedulula, Omuaa Jesus okue tu pe edimo ljoondjo, ombili, enjanju, ohoole, nokue tu uvanekela uo egulu, oljo ljaajehe aakulilua. Ihe Omuaa ine tu kulila tu kale monjalo, aue, otu kale mokuhokolola esilohenda nesimano ljedina lje. Ugundjuka uetu u kale ngashi lJoh 2:13: „Ongame otandi mu njolele one aagundjuka, oshoka one mua sindi omuininaji.” Tala, kuume, sho tua ningi aakriste aagundjuka, tu adimice ukriste uetu, Tu jele. Tu hokololele ookuume ketu, naantu mboka taje tu tala, otse aagundjuka tua kulilua. Opo aakuetu ja hokua uujuni je je uo ku Jesus, ja manguulue ngashi tse. Ino tila okutsejicila aantu ongoje ua ningi omusiluhenda nomuna gua Kalunga. Otse tua hupicua, tu longele Omuaa; tua ningi uujelele, tu jelele aakuetu, Ngele tatu ti: Jesus e li mutse nangoje, ihe itatu jele, nena ukriste uetu osima. Onkee ano okukala kuetu tu ku uce koohapu dOmuaa nokegalikano esiku kehe. Omu mbika uujelele uetu tau koko no tau minikile ngoonte akuhe. Ino kanica omukumo mokukondja kuoje. Nongele uudigu tau lundu e tau ku cindi pevi, dimbulukua: Ope na gumue te ku kondjele kee na efudo po nando, oJesus. Omuenjo guomukriste a kulilua ogo elundu ljedipagelo nomunalugodi, Okukondjica uuntu nuungame oluo olugodi lu na okulunda mutse esiku kehe, oshoka nando tua kulilua, uungame nenge omuntu omukulu ina sa natango, okua hala aluhe a pangele mu tse.

Omuaa Jesus e ku hoole omugundjuka ua ponga muulunde, onkee e ku juulukua u je kuje, u ninge gue muene, molua sho e ku sile, oje te ku manguulua. Ngele ue mu ipe ote ku taamba, te ku jelica, te ku gamene, ihe ote ku longica uo. Rom. 13:11-14.

H. Muteka.

OOMBIRIVE.

Mateus David, Otjiwarongo, te tu dimbulukifa kutja Jesus oje osivelo sokufika meumbo la Kalunga. Omunu oku nokufika tete-tete ku Jesus.

Petrus E., Windhoek, a mono nkene omuntu a pundukica omukua uo no te tu kumagida tu kale tatu kotokele omaludi gaashunimonima.

Benjamin Daniel, Luderits, ota njola: Ondi noluhodi kombinga jaagundjuka aakuetu tatu kanica ukriste.

Aron Jafet, Tsumeb, te tu tumine omakundo gaamati ajehe je li mondjugo 34. Oja dimbulula nkene olutu talu kondjica ehala ljomuenjo, ihe ngoka ta kondjo sigo a sindi, oje tuu ta peua oshishani shomuenjo.

Amon Josafat, Luderits, oje e nekundo: Onena tu jeni kOmuaa, oje e tu kumice nomeja omanamuenjo. Omutenge guoje gu umbila Omuaa, oje no te ku hupica.

N. P. Ambu, Windhoek, oku na oshimpuju tuua dine elaka lJomuaa Jesus, opo esiku ljokuja kue lja ninge ejemato noluhodi nohoni.

Josafat Nambambi, Windhoek, oku nekundo: Manga ndi li omugundjuka, ote hambelele Kalunga kandje ngoka a hupica ndje miimpuju juujuni.

Simon Petrus, Windhoek, ota ti: Hambeleleni Omuaa one aalongeli jOmuaa ajehe.

Matias Shiljomu, te tu kundu ta ti: Aamuameme aagundjuka, tu kondjeni opo tu sindeni uujuni, ngashika Omukulili guetu a kondjo nokua sindi uujuni.

Onesimus Akaua, Luderits, te tu dimbuluca: Kamu shi shi one otempeli ja Kalunga. Oje okua mono uo nkene omumati okui idipaga je muene. Iilonga jomutondi ojo iuinaji shili.

Tobias Nuujoma, Luderits, ote tu tumine epulo: Otandi ji peni ontuku Ombepo joje?

Amon Paulus, Windhoek, a mono nkene omuntu tu dipaga omolu iimaliva. Nani iimaliva oji noshiponga.

M. S. Gottfrid, Onguediva, te tu kundu ta ti: Omuaa te tu tala aluhe ngele tui imi iijimati.

Hofni Salomo, Onguediva, te tu halele ejambeko lJomuaa.

J. K. Kambonde, Luderits, oku nepandulo linene esi ovamati ohava njolele Omukuetu, nokua hala Kalunga muene e si kuatele komeso, opo ava hava njolele ko Omuaa e va kelele epunduko.

Amon Josafat, Luderits, ota ti: Ondu uvite oluhodi olunene, oshoka momutse guomuntu ohamu ja omadiladilo omiinaji. Onda hala noonkondo tu kondjiceni oshinima sha tja ngeji, tu indileni Tate e tu pe omatati ga kola tu kondjice omamakelo.

Naftali Uudigu, Luderits, ta hokolola, nkene e nenjanju enene shili Omuaa sho kue mu cikica naua komumvo omupe.

Timoteus Andreas, Walvisbay, te tu kundu nelaka: Eitaalo oljo oshikondekico, nelago euanaua oljomu Kalunga auike. Ohoole jOmuaa ja li po manga uujuni inau shitua.

Abisai Sakaria, Onguediva, ota ti: Ovakuetu, ondi na ehala tu ihuleni iikuadu, ndele ne tu lalakaneni ei joukuauulu, osemi iikuadu otai hulu po, ndele ne iikuauulu otai kalele aluse.

Silvanus N., Onguediva, oku nekumagido: Tu kondjeni tu kale tua kolameitaalo.

R. T. Shivute, Tsumeb, ota hokolola oshiponga shomomina, embamba ljokulonda sho lja guile pahi, naamati jatatu oja sa, omutine a adikila mo a hupu.

Salatiel Mateus, Pietermaritzburg, oku nekundo: Tu kaleni nokuididimika sigo Omuaa te ja.

Johannes Elia, Swakopmund, te tu kumagida tu kale tu nuupenda mosilonga shOmuaa tuua kale ongombua taji gueda ja lala.

Lovisa Ngulosi oku noshisho osemi vahapu va hovela okudina ekulilo omolu oikolifa.

Martin Erastus, Orangemund, te tu dimbuluca otse oondjendi naakuilongo muujuni.

Salomo Paulus, Okalongo, ota pula: Oshike tu neenkono okudulika koveta jounjuni ndele katu na eduliko kepangelo leendjovo da Kalunga.

Werner Gabriel, Windhoek, a haluka eshi a mona omulumentu omuherero a fila moukolue a dipaua komualikadi nokua kokolelua pondje oufikulu. Hano tu lungameni oikolifa. Kristus nge te uja, note ku hange ua kolua, oto juuka peni?

Pinehas Iindongo, Windhoek, oku nekundo: Ondi noohapu na ngoje sho ua eca ohoole joje jotango, dimbulukua ano moka ui iteka mo ngu itedulule.

Ananias Stefanus, Windhoek, oku noshimpuju omolu uuposu uamati itaa dimbulula oshiponga shomakende.

Paulus Hamukwaja, Windhoek, oku noluhodi omolu aamati ja longua mooskola kOuambo nge taa ja kUshimba ojo inaa hala okukuatela oojakuauo komeho muukriste no muuanaua.

Werner Moses, Kolmanskop, ota hokolola enjanju lje omuhongi Rust sho kua li e ja talele po

Salomo Elia, Outjo, ota ti: Tu zeni omilema ontuku, tu taleni nkuja taku zi uuanaua uetu.

Simon Hamolah, St. Gulberts, Suid-Afrika, ote tu kundu ta ti: Tu teeeleni Omueene neitavelo, tu indileni nokuteelela Omueene. Tu longeni neuladi eendjovo dOmueene kovapaani ngashi otu li ovapia va teelega omueene uavo.

Augustus Sailemo, Tsumeb, oku noluhodi oshoka oku uvu nkene aantu taa imbi omaimbilo ga Kalunga, ihe oohapu oda nik'uujuni.

Jeremia Hango, Orangemund, ota hokolola enjanju ljaamati oshoka aapangeli oje ja tungile ongerki onene najo uo otaa talelua po kaauvici taa jakula naua oomuenjo dauo.

Simon Jakob, Abenab, oku noshimpuiju omolua mboka opo ja shashua no ie li momahongololo ogendji. Oje te tu dimbuluca tu kale tatu ja galikanene shili, no tu indile egongalo li tane no li ninge ejogoki.

EVANGELI PA MATEUS tali monika uo li ikalela mokambo okashona taka pula omapeni gatano (5d.) ageke. Aanaskola na jalue uo, ikongeleni okambo nkoka, manga taka monika. Osho opala uo, ngele to ka landa u ka pe omuntu omukueni omagano, oshoka mokuninga ngeji to kunu ombuto jaalube.